

ALEN AGIĆ - MAGIC WHISPERER

Žena si, dakle možeš sve



KNJIGA CITATA UZ KOJU ĆEŠ OTKRITI
SVOJU UNUTRAŠNJU MOĆ I OSVOJITI SVET

ALEN AGIĆ - MAGIC WHISPERER

**ŽENA SI,
DAKLE
MOŽEŠ SVE**

KNJIGA CITATA UZ KOJU ĆEŠ
OTKRITI SVOJU UNUTRAŠNJU
MOĆ I OSVOJITI SVET


Lektura: Alen Agić - Magic Whisperer

Dizajn: David Marković

Službena web stranica:

saptacmagije.com

CLICK HERE



ŽENA SI, DAKLE MOŽEŠ SVE
Alen Agić - Magic Whisperer
Avgust 2023.

Zatim se skupila uz mene, umirila
i zaspala. Posmatrajući je kako
diše, zaključio sam dosta toga.
Između ostalog, naučio sam i da je
smisao života, upravo to - čuvati
nekoga dok spava.



Čim sam je upoznao, dala mi je do znanja koliko vrijedi. Nije bila jedna od onih laganih i jednostavnih. Oko takvih se obično moraš namučiti da te uopšte i primijete. Njih ne možeš kupiti, pridobiti kojekakvim obećanjima, zavesti otrcanim frazama. Prošle su svašta. Naslušale su se svačega. Ukratko rečeno, neuništive su.



I nježna postane gruba. I osjetljiva postane bezosjećajna. I brižljiva postane nezainteresovana. Kako se ophodiš prema njoj, tako će ti biti vraćeno.



Sa pojedinim osobama se brzo povežeš.
Postanu ti svakodnevica, dio života,
bijeg od realnosti i nadmoćna utjeha.
Toliko ti je lijepo sa njima, da se
naprosto zapitaš, gdje su bili ranije.





Žena je uvijek
ljepša kasnije.
Zato, nemoj je
izdati. Poslije se
dotjera do milog
Boga, čisto da
vidiš šta si izgubio,
a to ubija.

Krasila ju je nevjerovatna hrabrost.
Ponosna i dostojanstvena, uzdignute
glave, prkosila je svakome ko bi joj
se našao na putu. Razbije se pa
ustane, naoblači pa rastjera tmurne
oblake, udari u zid pa ga preskoči,
zastane pa nastavi odlučnije. Kod
nje je sve bilo izvodivo i ostvarivo.
Tačno da joj se diviš.



Sramota je lagati, davati lažnu nadu, igrati se sa nečijim osjećanjima. Nazovimo to potezom besramnika i kukavica.



Muškarci su najinteligentnija i najgluplja živa bića istovremeno. Reći ću ti i zašto. Osvoje najbolju, a izgube je zbog najgore.



U principu, vrlo je jednostavno biti sretan i nasmijan kada raščistiš sam sa sobom par stvari. Neki će te napustiti, mahni im i poželi sretan put. Neki će te iznevjeriti, ne uzimaj im za zlo, zbog njih si mudriji i snažniji. Neko će ti pružiti ljubav i zgrabi je. Jer, možda je baš ta ljubav, tvoja sreća.



Posvađali smo se. Danima nismo pričali, dopisivali se ili komunicirali na bilo koji način. I to nas je oboje mučilo. Ona je čekala mene, a ja sam čekaao nju. Prošla je sedmica. Mjesec. Godina. Izgleda, proći će i život. A stalo nam je, stvarno jeste.



Imala je ona i previše problema. Samo, eto, nekim čudom ih je kontrolisala i zadržavala u sebi. Ponekad se osjećala loše, kao da su joj kosti polomljene, a ipak je hodala uspravno i ponosno. Osjećala se napušteno, a rijetko ko je mogao i naslutiti da joj išta fali. Osjećala se kao stranac, iako su je okruživali dobro poznati ljudi. Zaista, uvijek je znala sa tim problemima.

Ubijeđena da kad-tad mora doći bolje vrijeme, a ako slučajno i ne dođe, nema veze. Prošla je kroz život baš onako kako treba. Borbeno, u stilu kraljice.



Najljepša žena na svijetu je prvenstveno lijepo vaspitana, ljubazna, zahvalna, dobroćudna, podučena istinskim vrlinama. Ne zabada noževe u leđa, ali je uvijek spremna uzvratiti udarac. Poštuje dok je poštuju. Voli dok je vole. Ne prihvata sažaljenja. Ne glumi žrtvu. Bori se i uporna je. Vidiš, to je žena.



Cijeni svoje zdravlje. Manje se nerviraj, slušaj omiljenu muziku, izađi napolje i šetaj, misli pozitivno, koračaj sa samopouzdanjem, udahni duboko, ne daj na sebe. Život je kao sat, nikad ne znaš kada će se zaustaviti.



Danas najbolje prolaziš ako si pomalo bezobrazan, pomalo strog i ako stavljaš sebe na prvo mjesto. Tada te više cijene - po dobroti gaze.



Da li se ikada upitaš, šta je iznutra?

U čovjeku. Dok ga posmatraš
zadovoljnog. Možda unutra vrišti.
Jeca. Umire. Možda je čak i mrtav.

Možda je u njemu pakao.
Ali on se cereka, smješka i živi.



Kraljicu ne čini haljina, nakit ili luksuzna garderoba. Nego odgoj, maniri, bonton i ponašanje. Haljina se skine. Nakit se odloži. Garderoba se baci. Ono što nosiš u sebi, to ostaje.



Neopisivo me raduje činjenica da još uvijek postoje kulturno odgojene djevojke. Onaj tip djevojaka kod kojih je moral i čista savjest na prvom mjestu.

Ne viđaš ih danas sa jednim, sutra sa drugim. Ne hodaju polugole po ulici. Ne prodaju se za materijalne stvari, jer znaju da vrijede više.

Njima ne treba ništa osim tople riječi,
čvrstog zagrljaja ili raznih sitnica što
popravljaju dan. Skromne su. U
manjini su. Ima ih. Kunem se.



Naime, život je takav, dobrom čovjeku se pretežno dešavaju grozne stvari. Pametan skrene sa pameti. Emotivan nastrada. Naivnog izigraju. Osjetljivog zadirkuju. I svi učimo. I svi nemamo pojma ni o čemu.



Kakva je, takva je. Ne nosi masku i
nema dlake na jeziku. Ono što misli,
kaže. Ono što zacrta, uradi. Ono što
neće, džaba navaljuješ.




Danas te gledaju čudno, ako si sam.
Kako su ljudi površni. Biti sam nije
sramota. Biti sa bilo kim, to već jeste.



Najvažnija lekcija koju sam naučio u životu je sljedeća. Koliko god da voliš, ako te ne cijeni i poštuje, idi od njega.



Naprotiv, nećeš ti njoj dosaditi ako je stalno zoveš. Dosadit ćeš joj ako se prestaneš javljati. Samoća brzo dosadi.



U razdoblju od rođenja do smrti,
najvažnije je da nađeš nekoga svog,
kome možeš otvoriti dušu. Iskazati mu
svoja osjećanja, bez ikakvog straha da
ćeš biti pogrešno shvaćen. Sa kim ćeš
zajedno koračati i kroz najveće
probleme. Nekoga, kome ćeš čak i
nesavršen - biti najbolji.

Na koga možeš računati i dok toneš i dok letiš. Uostalom, nije poenta postati milioner, iskopati gusarsko blago, osvojiti svijet. Poenta je naći srodnu dušu.



U životu postoje tri zlatna pravila. Ni u kom slučaju nemoj čekati one što te uporno zavlauče. Očekivati od onih što konstantno odgađaju. Voljeti one kojima si vječno rezervna uloga. Budi glavna. Budi smisao. Budi sreća. Ili idi, nemoj biti ništa.



Izrazito cijenim osobe koje mi ne dopuštaju da budem tužan, u momentima dok se psihički raspadam.



Nikada nisam razumio žene u potpunosti. A kako ih i razumjeti. Rasplaču ih sitnice, a prežive nemoguće.



I kada jednom ostariš, znat ćeš, sunce moje, da i dalje neće biti važno koliko imaš godina, već koga imaš u tim godinama.



Obožavao sam to kod nje. Taj stav.
Zahtijevala je da bude u prvom planu.
Nikada rezerva. Nikada druga. Sve ili
ništa. Poštovanje ili zbogom.



Poželiš li umrijeti radi nečega što su ti drugi uradili, sjeti se da imaš i bolju varijantu. Da živiš, u inat. Hrabrija. Jača. Još ljepša.



Dođe taj period u životu, kada ti nije ni do čega. Sve što želiš jeste da se skupiš uz nekoga, umiriš i zaspiš.



Eto, kakvi smo. Lakše nam je lupati glavom od zid, vrtjeti se po krevetu bez imalo sna, vrištati sa zatvorenim ustima. Sve nam je lakše, nego izdvojiti trideset sekundi i priznati šta osjećamo. Pa da napokon budemo malo sretni, ako nam se posreći.



I nikoga nisam volio kao nju. Ona je bila posebna. Ne znam po čemu, ne znam da li se uopće isticala od drugih, ali kunem se, bila je posebna. Sa takvom ženom sve ima smisla. I mrak, i ćutanje, i držanje za ruke, i sramežljivi osmijeh kada nam se pogledi sretnu, i život, i smrt - sve. Imati nju, značilo je imati čitav svijet. Jedino sa njom sam uspio zamisliti našu starost.

Uostalom, od toga čovjek ne može pobjeći. Kad-tad ćeš ostarjeti, dobiti bore, ruke će ti otkazati, noge otežati, a grudi se napuniti mukom i jadima. U tom trenutku ništa nije vrjednije od toga da imaš sa kim podijeliti ostatak sebe.



Međutim, nisam se zaljubio u tebe zbog
toga. Ljepota je svakako prolazna.
Sviđaš mi se, jer si blesava i pomalo
luda. Baš takva mi i treba.
Oдавde do smrti.



Kažem ti ja. Nikome se ne pravdaj i ne obrazlaži svoje postupke. Uradi ono što osjećaš, makar se kajao poslije.



Rekoše mi - voljeti jednu osobu cijeloga života je isto kao da vjeruješ da će jedna svijeća gorjeti doživotno. Rekoh im - koliko god svijeća da zapališ, svaka će izgorjeti nekada. U čemu je razlika? Bolje je imati jednu koju ćeš pamtiti po posebnom plamenu, nego milion koje ćeš pamtiti po tome jer su iste.



- I svi ćemo umrijeti?
- Hoćemo.
- Pa koja je onda poenta života?
- Da nađeš nekoga sa kim
te nije strah umrijeti.



Izuzetno volim ljude koji me
povremeno razumiju bez da im crtam,
naglašavam, objašnjavam.
Razumijemo se tišinom.



Na rastanku sam joj rekao, pazi se, a samo je Bog znao koliko sam i sâm želio da je pazim. Rekoh joj zbogom, a poželih da ostane makar još nakratko. Poviknuh idi, a htio sam da zastane i dođe. Sve sam rekao, a ništa nisam mislio. Osim toga da mi treba više nego ikada. To sam nekako prećutao.



Niti je često izjavljivala ljubav.
Niti je konstantno pokazivala emocije.
Niti je voljela slatkorječivost.
Zgražavala se od okruženja i njihovog
površnog govora, smatrajući da se
ljubav izjavljuje jedino ako to stvarno
osjećaš, a ne onako – bezvezno.



Ja nisam kao ti. Ja ne varam. Ukoliko
prestanem da te volim, reći ću ti.
Direktno, oči u oči. Nisam kukavica.



Imati vremena za nekoga, znači da ćeš odložiti sve obaveze, otkazati druge sastanke, propustiti nevažne susrete - i pojaviti se odmah. Jer, imati vremena za nekoga, znači biti tu i kada je najteže.



Primijetiti fizički izgled na određenoj osobi je ništa. Ako u nekome primijetiš mudrost, snagu, ljudskost, svoju drugu polovicu, saputnika kroz loše i dobro - ne ispuštaj ga olako. Možda je baš ta osoba stvorena da šeta pored tebe kroz ovaj nenormalni svijet.



Uvijek mi je bila nejasna ta sorta ljudi. Zahtijevaju pauzu, kratkotrajni odmor, da se udalje i preispitaju vlastite osjećaje. Zar to može? Zar u ljubavi postoji odmor? Ne, nema ga. Grizi, trgaj, traži rješenje ili izlaz iz problema. Ukoliko ikada odeš na taj odmor, garantujem ti, nećeš se vratiti.



Otkriću ti tajnu. Nije bitno sa kim
provodiš dan, već ko ti ne izlazi iz glave
čak i dok je kilometrima daleko.



Znao sam da je prava. Osjetiš. Mogao bi da ležiš sa njom danima. Samo ležiš, dišeš, ćutiš. Ne praviš ni jedan jedini pokret, osim onoga što spaja usne, ruke i duše. Taj pokret ne moraš ni napraviti.

Napravi se sam. Diši i slušaj. Tišina odzvanja sve prećutane riječi. Pozivnica za raj, prije raja. Neka granica reklo bi se. Tamo na granici si čekao ovaj trenutak. Poseban, uz posebnu.



Molim se samo Bogu. Ponizno stojim isključivo ispred Boga. Strepim jedino od kazne Božije. Zato mi zli ljudi ne mogu nanijeti zlo.



Definitivno nećemo se uvijek dobro slagati. Bit će tu nesuglasica, histerisanja, ljubomorisanja i svačega. Što je divno. Loše je kada čovjek glumi kako je sve u redu, iako ništa nije.



Ukoliko voliš samo jednu djevojku,
postoji velika mogućnost da će ta
djevojka voljeti i željeti samo tebe.



Jedva čekam da zaspim bez telefona u
ruci. Jer, tada mi neće ni trebati. Bit ćeš
ovdje, odmah pored mene.
Skupljena i zadovoljna.



Nju pogodi i pjesma. Obraduje se čak i kada joj uputiš pozdrav. Nasmije se čim te ugleda. I opet ne razumiješ, žalosno.



Nije prošlost sve što je prošlo, niti
budućnost sve što treba da dođe. Nešto
se završi, a traje vječno. Nešto se nije
desilo, ali kao da jeste.



U tome je smisao. Divljati sa nekim.
Plesati, iako ne znaš. Smijati se naglas.
Ljubiti se nasred ulice. Grлити se kao da
je posljednji put. Vrištati dok ti ne bude
lakše. Ići na razna mjesta, ali zajedno.
Sjediti na klupi i piti iz iste flaše. Maziti
se po kosi. Dati joj svoju majicu. Štipati
se za obraze. Uspavati je na svom
ramenu. U tome je smisao,
kada imaš sa kim.



Zaljubiš se u nečije riječi. Umiljat glas.
Topao dodir. Neodoljiv osmijeh.
Nježne ruke. Način na koji te posmatra.
Zaljubiš se i moliš Boga da potraje.



Postoje žene koje sretnoš samo jednom u životu. Pokažu ti šta je ljubav. Nauče te kako se voli i koliko se grli kada ti je iskreno stalo. One ne varaju. Ne obećavaju uzalud. Ne igraju prljavo, već sa čistom dušom ponosno koračaju. Dokažu ti da nije teško poslati poruku, sjetiti se važnog datuma, nazvati onako usput - bez ikakvog povoda ili konkretnog razloga. Sretnoš ih jednom, a žališ za njima čitav život.



Jednom smo se posvađali žestoko - do kosti. Ma do srži i više. Prošlo je par dana da se nismo uopće čuli, a onda sam pisao:

Odmah da ti kažem - izvini. Strah me kao i tebe, jer raste ovaj zid među nama. Zid ponosa. Već satima udaram glavom od njega. Mozak me zabolio, srce otkazuje, a krivac nikako da se pojavi. Mada, vjerujem, da u tom momentu nismo ni imali mozak, kako bi inače i došlo do dana u kojem nas više nema. Elem, slomilo se nešto u meni. Upravo gledam kroz prozor i znaš, ima jedan zanimljiv par. Skoro pola sata sjede na klupici preko puta zgrade. Tamo, gdje sam ti kupio plišanog medu od uličnih prodavača.

Stegni ga jače, pa da nastavim da ti pričam. On drži ružu, ona se smješka, sva sanjiva i zadovoljna. Evo, grli je. Ne čujem šta joj govori, mora da je mnogo lijepo. Crveni se u licu. Početnici, zasigurno, do sad su trebali odletjeti daleko. Sjećaš se kako smo mi letjeli sa te drvene klupe po kontinentima? Zatvorimo stvarnost u kavez običnosti i neobično odlepršamo na mjesta gdje prestaju svi. Na mjesta gdje počinjemo mi, sami. Sad letimo nisko, par milimetara do dna.

Osjetim miris vriska od udara od tlo.
Ne daj nam da se završimo. Odgovorila
je dva minuta kasnije: Zašto ti je toliko
trebalo da shvatiš koliko mi je život
mrtav? Pusti me na miru, da čitam ovo
do jutra. Budalo, volim te.



Kada čovjeku značiš, on ne smišlja
izgovore, ne truje te lažima, ne ponaša
se poput licemjera. Kada čovjeku
značiš, on to pokaže. On to dokaže.



Zaustave li te kilometri, nisi je volio -
lagao si. Spriječi li te vrijeme, nisi se
nadao - folirao si. Pobijedi li te sudbina,
nisi se borio - ćutao si. Kukavico.



Jer, Bog nam obično u život pošalje dvije osobe. Jednu lošu i jednu dobru. Loša nas nauči da pustimo ono što nam ne treba. Dobra nas nauči da cijenimo ono što imamo.



Hvala ti Bože što mogu svakoga
pogledati ravno u oči, bez grižnje
savjesti, srama ili osjećaja krivice.



Ne znam da li sam dobro, ali znam da mi nešto fali. To nešto ima ime. Ima prezime. Ima adresu. Nema mene.



Doista, ne poričem, teško me je voljeti.

I baš time se ponosim.

Da je jednostavno i nesporno, svako bi me mogao potkupiti. Ovako ću biti

kazna onima što me ne zaslužuju i nagrada za one koji me pretrpe.

Snažno stisnu uz sebe i pretrpe.



Danas, kulturu, manire i lijepo ponašanje nazivamo staromodnim. Danas je moderno da budeš jeftin, svačiji i bez morala. Danas ljudi nisu ljudi. Nasreću, nismo svi isti.



I napokon, jednog dana, opametiš se.
Ljude slušaš, ali ne obraćaš pažnju.
Klimaš glavom, mada radiš po svom.
Sebe daješ, ali nikada kao prije.



Za sreću su potrebne četiri stvari. Da
vam neko pomalo kida nerve, sastavlja
dušu, izmamљуje osmijeh i briše suze.
Četiri stvari, ali jedna osoba.



Najviše vrijede ljudi koji dođu i kada ih ne zovete, ostaju dok ih gurate od sebe, grle i kada to niste zaslužili.




Ništa pod plavim nebom nije čestitije i odanije od istinski zauzete žene. Ona je svjesna kome pripada, dok istovremeno ima potpunu slobodu da radi šta želi. Nju je nemoguće namamiti, osvojiti, jer je već osvojena. Zna čija je i kada ničija korača tamnim ulicama.

Tijelo joj nije na prodaju. Duša joj nije
na cjenovniku. Sve što ima, ne daje
nikome. Osim jednom čovjeku.
Njega nosi u srcu.



Kada tražite životnog saputnika ili saputnicu, nemojte gledati da bude najljepša na svijetu, ali težite ka tome da bude najbolja. Pored ovoliko šminke i plastičnih hirurga - jednostavno je biti lijep. Šta vam vrijedi nečiji savršen izgled, ako će se vas tretirati kao igračku, lomiti kao staklo, dolaziti kući samo da prespava pored vas, ali ne i da vas poljubi. Osobi kojoj će sve što je vama bitno, biti nebitno.

Pronađite nekoga sa kim ćete se voljeti,
glupirati, dijeliti tajne, nadjačati
strahove, ostvariti neostvarivo. Samo to
pronađite i našli ste sve.



Ne odlazi se od žene koja galami, više,
ponavlja kako joj je svejedno i da je
vaša priča završena. Takva
neograničeno voli i najradije bi te
zavezala debelim lancima za sebe.
Odlazi se od one koja začuti.
Iz njenog života si izbrisan.



Varaš se, prijatelju. Postoje i žene koje umiju pružiti ljubav. Njima nije važna gomila bogatstva u tvom džepu, već količina iskrenosti u tvom srcu. One ne spuštaju glavu pred sitnim problemima.

Ne uginju ramenima ukoliko izbije golema muka. One ne odustaju nakon prve ozbiljnije prepreke. Samo, takve žene su rijetke. Prepoznat ćeš ih po samoći. Često su same.



Ljudi imaju čudnu naviku da izgube mnogo bitne ljude u svom životu, zbog nebitnih. Valjda jer misle da će bitni ostati uvijek tu. Što je pogrešno, neće.



Čovječe, žene su to. Promijene haljinu, frizuru, najbolju prijateljicu, zato nemoj biti siguran da će tolerisati tvoje gluposti doživotno. Mogu one ponekad i bez sebe, kamoli bez tebe.



Nikome ti nisi dužna ništa. Niti su ti šta uzeli, niti su ti šta dali. Rekli su da te vole, slagali su. Kazali su da će se boriti, slagali su. Obećavali su da će biti drukčiji, slagali su. Zato, doista, nisi im dužna. Dužna si jedino sebi, da ih precrtaš za svagda.



Da si mu bitna, pisao bi ti poruke. Da mu značiš, zvao bi te dok čekaš. Da te želi, napravio bi prvi korak. Da zna šta gubi, ubio bi se. Ali ne zna.



Nema to veze sa godinama, visinom,
težinom, fizičkim izgledom. Najjača
veza je ona gdje se dvoje poštuju,
vole i čuvaju.




U vezi je jako bitno da od početka budete iskreni jedno prema drugome. Bez imalo laži i varanja. Takve veze prelaze u brak. Ma u vječnost.



Znate li ko je najhrabrija žena na svijetu? Majka. Ako treba, krenula bi golim rukama protiv cijele vojske, samo da vi budete dobro.



Tražite osobu koja će vam se javljati i
ujutro, i popodne, i navečer, i uvijek.
Makar na dva minuta. Život je težak,
ali neki ljudi su lijek za sve.



Bolje je da ženu zanima gdje si, šta radiš, s kim si, nego da joj bude svejedno. Tamo gdje je svejedno, tu nema ljubavi.



Vaša majka je vaša majka. Nevažno
kako priča, kako se ponaša, šta oblači.

Ona je vaša majka,
sretni ste što je imate.



Nazovi me kada stigneš kući. Fališ mi.
Jedva čekam da te vidim. Da li ti je
hladno? Jesi gladna? Sitnice su sve.
Bukvalno sve.



Nije važna prva ljubav. Sine, važna je
ona posljednja, kada te neko sastavi
slomljenog, izliječi tužnog i učini da
zaboraviš na prošlost.
Sa takvima ostariš.



Nisam znao kako ću je zaprositi, ali sam znao da će pristati. Ona bi pristala i da nemam ništa. I da sam najgori. I da nemamo gdje živjeti. Njoj sam bio dovoljan ovakav, svakakav, a opet samo njen. I ako neko pita, umro bih za nju. Zaslužila je.



Danas muškarcima najmanje cijene dobre žene, odane, poštene, koje biraju ljubav, što nisu svačije bez obzira na dužinu samoće. I zato, baš zato, takve žene vrijede najviše.



Neke žene vas nikada neće prevariti. Ni sa ljepšim, ni sa bogatijim, ni sa bilo kakvim. Jer tako su odgojene, da budu kraljice, a ne dvorske lude za zabavu.



Razmazio sam je. I neka sam. Ženi je potrebna pažnja. Kada ste sami da se ponašate kao djeca. Da te gnjavi, prebaci ruke oko vrata, da se smije kao da nijednog problema nema. Ženi treba neko ko je drugačiji od ostalih. Jer ljubav nije samo seks. Ljubav nije obična potreba. Vidjet ćeš, kad ti zaspi na krilu. Pa se ne smiješ pomjeriti. Ako se pomjeriš, probudit ćeš je. A prelijepa je tako.



Mislio sam da je ženu potrebno odvesti u Pariz, Veneciju, London, da bi bila sretna. Jebote, ona je bila sretna i kad smo sjedili u pet kvadrata, između četiri zida i gledali crtane filmove. Izgleda da nije bitno gdje si, već sa kim si.



Ako želiš skratiti kosu, skрати je. Ako ti
je dosta štiklica, baci ih, nosi patike.
Ako voliš dugo spavati, onda spavaj.
Ne prilagođavaj se narodu.
Prilagodi se sebi.



Čovjek koji voli pse, pomazi mačku,
nasmije malu bebu, ne može biti loš
čovjek. Njegova duša je ogromna.



U redu je truditi se oko neke osobe, sve dok ta osoba ne postane bezobrazna prema vama. Tu moraš poštovati sebe. Sretno i doviđenja.



Možda trenutno prolazite kroz tešku životnu situaciju. Možda ste usamljeni. Možda ste na rubu suza. Možda ste razočarani. Ali to je samo trenutno. Takvi ljudi postaju najjači.



Najveće bogatstvo je imati sa kim da se
smiješ iz srca. Grliš iz duše.
Čuvaš iz ljubavi.



Nikada nemojte prestati da vjerujete.
Kada se budete najmanje nadali, Bog će
vam poslati nešto predivno u život.



Niko nema šanse kod zaljubljene žene.
Da joj skineš zvijezde, daš milione,
pokloniš čitav svijet - džaba.
Ona voli jednog. Njenog. Tačka.



Pitali su me, kako ti ne dosadi, stalno ste zajedno? Rekao sam im, zar čovjeku može dosaditi zrak koji diše?
To je ona meni.



Živim za dan kada će me jedna mala
šaka uhvatiti za prst, osmjehnuti se i
nešto promumljati. Ja ću to razumjeti.
To će biti moje dijete.



Djevojke se najmanje zaljubljuju u fizički izgled. Mnogo je važnije kako mirišeš, pričaš, šarmiraš, da li ti vjeruje i da li se osjeća sigurno pored tebe.



Muškarac koji te čuva kao otac,
zadirkuje kao brat, voli kao gospodin.
Njemu rađaj djecu.
Boljeg nema sigurno.



I onda upoznaš osobu sa kojom sve ide normalno, opušteno, bez pritiska, napetosti. I tako, oživiš, opet.



Da li ste ikada voljeli nekoga toliko jako da vam je bitno kako je ta osoba provela dan? I kako se osjeća? I muči li je nešto? I da li je dobro? Jeste li ikoga voljeli toliko da znate kako diše?



Ljubav je imam vremena. Eto me.
Stižem. Mogu. Hoću. Zajedno ćemo.
Jedva te čekam. Fališ mi. Nedostaješ
mi. Sve je to ljubav. Prava. Najveća.




Koliko se posvađamo, drugi bi rekli da
se nećemo pomiriti ni za 5 godina.
Budale, mi se pomirimo za 5 minuta.



Volim te. Jer me trpiš. Jer si uz mene.
Jer me podržavaš. Jer me razumiješ. Jer
ne odustaješ. Jer si mi sve.
Jer sam ti sve. Volim te.




Bog uvijek ima nešto bolje za tebe.
Samo strpljivo. Samo polako. Najviše
dobiješ kad se najmanje nadaš.



Majka uvijek sve zna. I ko vam je prijatelj, ko vam misli dobro, a ko smišlja zlo. Ona to nekako osjeti.
Čuvajte majku.



A sve što vam treba je jedna normalna veza. Gdje se ne brinete da li će vas neko izdati, prevariti ili povrijediti. Gdje ste sigurni sto posto da je neko samo vaš u bilo koje doba dana ili noći. Kada imaš to, imaš sve.



Lažu. Žene ne žele princa na bijelom konju, ni bogataša, ni skupe haljine. Ponekad je dovoljno samo da je zagriš, onako, u pidžami. Češkaš po kosi. Uspavaš kao dijete. Pokažeš joj da vrijedi i da je najsigurnija pored tebe.



U životu su bitna samo dva datuma.
Prvi, kad si se rodio. Drugi, kad si
upoznao osobu koja je rođena za tebe.



Kada vjeruješ u Boga, to ne znači da će ti u životu sve biti lako. Ponekad će boljeti, jer će te ljudi povrijediti. Često ćeš plakati, jer si bio dobar prema onima koji to nisu zaslužili. Ali, kada vjeruješ u Boga, kunem ti se – na kraju će sve biti dobro. Kad-tad svako dobije ono što zaslužuje. Ima Jedan na nebu. I jako je pravedan, družo moj.



Vidi, malena, ludo je vrijeme došlo.

Ljudi pristaju na kojekakve kombinacije, površne veze, djelimične ljubavi, dodire bez emocija, zagrljaje bez nježnosti, poljupce bez ubrzanih srčanih otkucaja. Toliko je ludo vrijeme, da ljudi više ni ne znaju šta je ljubav.

Zaboravili su kako je jedva čekati nekoga, nemaju pojma kako je uživati dok ti neko spava na ramenu, oni nisu svjesni da je najljepši osjećaj na svijetu voljeti i biti voljen. Vidi, malena, ti si drugačija. Ti si dokaz da luda vremena ne utiču na normalne djevojke. Takvu kada nađeš, dobio si na lutriji. Zapravo, dobio si na svim lutrijama ikada.



Znate šta je ljubav? To je ona osoba koja se obraduje samo kad vas vidi.

Čak i da joj idete praznih ruku ili praznih džepova, njoj to nije važno. Ona se raduje jer ste došli. Jer vam je najbitnija. Lijepa je to sreća.



Znaš, jebeš vezu koja pukne nakon prve
svađe. Mi smo se svađali, vrištali jedno
na drugo, kidali iznutra, ali nikad
nismo ni pomislili da se razidemo. Znaš,
ljubav je ostati i kad je otići najlogičnije
rješenje.



Volim ljude, koji su prošli sve i svašta, a i dalje vjeruju u Boga i nadaju se da će biti bolje. I hoće. Vjera je sve.



Bog postoji. Hoćete dokaz? Koliko
puta mislili da je kraj pa ste se izvukli?
E to je Bog.



Živjele žene koje imaju kriterijume.
Koje će prije biti same, nego daj šta daš.



Žena te voli.
Žena ti rodi.
Žena je sve.



Ako nekoga voliš, voliš ga u svim izdanjima. Kakav je, takav je. Tvoj je.



Bog te sa razlogom stavi na iskušenja
da vidiš ko će ostati uz tebe i kad je
najteže, a ko neće.



Zahvalite se Bogu svaku noć, jer ni On
ne zaboravi da vas probudi svako jutro.
Žive i zdrave.



Poslušaj vlastitu tišinu. Reći će ti zbog čega vrištiš, najtiše.



Nikada nemoj dozvoliti da neko troši
tvoje vrijeme i tvoje živce. Da te laže,
dok ti iskreno voliš. Zlato moje,
sebi si najpreča.





ŽENA SI, DAKLE MOŽEŠ SVE
Alen Agić - Magic Whisperer
Avgust 2023.



ALEN AGIĆ - MAGIC WHISPERER

Alen Agić, talentovani pisac iz Bosne i Hercegovine, čija umjetnička figura, Šaptač Magije (Magic Whisperer), zadivljuje milione pratilaca na društvenim mrežama širom regiona. Sa više od milion ljudi koji prate njegov rad, Alen je postao prava planetarna senzacija.

Iako je po struci inženjer tehnologije, Alen je osvojio srca čitalaca i postao jedan od najomiljenijih balkanskih autora modernog doba. Njegova književnost zrači posebnom magijom koja osvaja čitatelje različitih generacija.

Pored svoje uspješne književne karijere, Alen se izdvojio kao vrhunski marketinški stručnjak za društvene mreže u regionu. Njegovo znanje i veštine na polju marketinga doprinose širenju njegovog književnog carstva i povećavaju uticaj njegovih dela.

Ovaj izuzetan talent, Alen Agić, inspiriše nas da sanjamo velike snove i ostvarimo ih, pokazavši nam da jedna osoba može imati nebrojene talente i da su mogućnosti za uspeh beskrajne.

ŽENA SI, DAKLE MOŽEŠ SVE
AVGUST 2023